



**Broj: 08-01-03/2-11-2-806-10/26**

**Dana: 23.04.2026.godine**

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14, 59/22 i 50/24) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), na Preporuku Komisije za javne nabavke roba, usluga i radova iz Zapisnika o pregledu i ocjeni ponuda broj: 08-01-03/2-11-2-806-9/26 od 21.04.2026.godine, u postupku javne nabavke "Nabavka kancelarijskog namještaja", ministar Ministarstva unutrašnjih poslova Zeničko-dobojskog kantona, donosi:

### ODLUKU

o izboru najpovoljnijeg ponuđača "R&S" d.o.o. Sarajevo, za "Nabavka kancelarijskog namještaja"

#### Član 1.

Prihvata se Preporuka Komisije za javne nabavke roba, usluga i radova (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-806-9/26 od 21.04.2026. godine i ugovor za "Nabavka kancelarijskog namještaja" dodjeljuje se ponuđaču "R&S" d.o.o. Sarajevo, sa ponudom broj: 08-01-03/2-11-2-806-4/26 od 14.04.2026. godine i ponudenom cijenom u iznosu od 20.462,20 KM bez PDV-a.

#### Član 2.

Odabrani ponuđač dužan je u roku **od 5 (pet) dana** od dana zaprimanja ove Odluke ugovornom organu dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
- potvrde nadležne/ih institucija o uredno izmirenim obavezama po osnovu direktnih i indirektnih poreza.

#### Član 3.

Ova Odluka objavit će se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### O b r a z l o ž e n j e

Na osnovu Odluke o pokretanju postupka broj: 08-01-03/2-11-2-806/26 od 25.03.2026. godine i Obavještenja o nabavci broj: 488-1-1-15-3-25/26 od 25.03.2026. godine, proveden je otvoreni postupak javne nabavke "Nabavka kancelarijskog namještaja". Procijenjena vrijednost nabavke je iznosila 20.512,82 KM bez uključenog PDV-a. Sažetak obavještenja o nabavci broj: 488-1-1-15-3-25/26 objavljen je dana 03.04.2026. godine u "Službenom glasniku BiH", broj: 25. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-806-2/26 od 26.03.2026. godine.

Komisija je sačinila Zapisnik o prijemu ponuda broj: 08-01-03/2-11-2-806-7/26 od 15.04.2026. godine i Zapisnik sa otvaranja ponuda broj: 08-01-03/2-11-2-806-8/26 od 15.04.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da se do roka određenog za dostavljanje ponuda, 4 (četiri) ponuđača prijavila na predmetno javno nadmetanje i to ponuđači: "Larix" d.o.o. Doboj, "R&S" d.o.o. Sarajevo, "INTER-COM" d.o.o. Zenica i "GRADIZ" d.o.o. Sarajevo.

Komisija je sačinila Zapisnik o pregledu i ocjeni ponuda broj: 08-01-03/2-11-2-806-9/26 od 21.04.2026. godine, te utvrdila da:

1. Ponuda ponuđača "Larix" d.o.o. Doboj je nepravilna obzirom da ponuđena roba ne ispunjava zahtjeve u pogledu opisa predmeta nabavke i tehničkih specifikacija kako slijedi:
  - Za stavku 1 iz obrasca za cijenu ponude – Aneks II prema dostavljenoj fotografiji uredska stolica, odnosno tapacirano sjedište i naslon nisu iz jednog dijela kako je zahtijevano tenderskom dokumentacijom;
  - Za stavku 4 iz obrasca za cijenu ponude – Aneks II prema dostavljenoj fotografiji klupa za čekaonicu ima okvir sive boje, a traženo je da okvir bude metalni i crne boje;
  - Za stavku 9 iz obrasca za cijenu ponude – Aneks II prema dostavljenoj fotografiji ormar nema bravicu za zaključavanje na gornjem dijelu kako je zahtijevano tenderskom dokumentacijom.
2. Ponuda ponuđača "INTER-COM" d.o.o. Zenica je nepravilna obzirom da ponuđena roba ne ispunjava zahtjeve u pogledu opisa predmeta nabavke i tehničkih specifikacija kako slijedi:
  - Za stavku 1 iz obrasca za cijenu ponude – Aneks II prema dostavljenoj fotografiji uredska stolica, odnosno tapacirano sjedište i naslon nisu iz jednog dijela kako je zahtijevano tenderskom dokumentacijom, a takođe nasloni za ruke nisu kromirani niti tapacirani;
  - Za stavku 3 iz obrasca za cijenu ponude – Aneks II prema dostavljenoj fotografiji kaseta nema mogućnost zaključavanja, odnosno ne vidi se da ima bravu za zaključavanje, te takođe stavke od 5 do 13 za koje je također traženo da ima brave sa ključem iz dostavljenih fotografija se ne vidi postojanje tih brava;
  - Za stavku 14 iz obrasca za cijenu ponude – Aneks II prema dostavljenoj fotografiji komoda nema metalne nogice;
  - Za stavku 15 iz obrasca za cijenu ponude – Aneks II prema dostavljenoj fotografiji konferencijski sto je bijele boje, a tražen je sto boje bukve.
3. Ponuda ponuđača "GRADIZ" d.o.o. Sarajevo je nepravilna obzirom da ponuđena roba ne ispunjava zahtjeve u pogledu opisa predmeta nabavke i tehničkih specifikacija kako slijedi:
  - Za stavku 4 iz obrasca za cijenu ponude – Aneks II prema dostavljenoj fotografiji za klupu za čekaonicu Nije vidljivo da su sjedišta i nasloni plastični, odnosno isti djeluju kao tapacirani;
  - Za stavku 10 iz obrasca za cijenu ponude – Aneks II prema dostavljenoj fotografiji ormar nema mogućnost zaključavanja, odnosno ne vidi se da ima bravu za zaključavanje.

Nadalje, Komisija je utvrdila da ponuda ponuđača "R&S" d.o.o. Sarajevo ispunjava sve zahtjeve ugovornog organa u formalno-pravnom, ekonomskom i tehničkom smislu, te da je ista za ugovorni organ prihvatljiva.

Rangiranje prihvatljivih ponuda prema kriterijumu za izbor ponude:

| Naziv ponuđača        | Početna cijena ponude bez PDV-a u KM | Popust | Početna cijena ponude bez PDV-a u KM, sa popustom (prije e-aukcije) | Konačna cijena ponude bez PDV-a u KM, sa popustom (nakon e-aukcije) | Rang |
|-----------------------|--------------------------------------|--------|---------------------------------------------------------------------|---------------------------------------------------------------------|------|
| "R&S" d.o.o. Sarajevo | 20.462,20                            | NE     | 20.462,20                                                           | 20.462,20                                                           | 1    |

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "R&S" d.o.o. Sarajevo, odabran je na osnovu ponuđene cijene u iznosu od 20.462,20 KM bez PDV-a.

#### PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

#### DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

